



Planvoludi vesins,

Des der Ajuntament de Naut Aran èm consciènti qu'era digitalizacion que viuem afècte a tot eth hilat empresariu e economic deth municipi. Era rapida acceleracion de cambis qu'era tecnologia provòque, mos presente en fòrça escadences desafiaments que dificulten era nòsta activitat empresariu e economica.

Aué, competim coma destinacion toristica contra quinsevolh punt de quinsevolh part deth mon, situacion que mos exigís èster ena vanguarda dera competitivitat toristica, atau coma economica e empresariu. Mès, aguesta transformacion digitau que viuem tanben mos presente oportunitats qu'auem de saber gestionar des d'ua optica comunitària e municipau.

En aguest contèxte, era equipa de govèrn der Ajuntament de Naut Aran a creat eth Burèu d'innovacion, Formacion e Tecnologia qu'a coma objectiu crear un ecosistèma economic digitau pròpri que mos permete assolidar era linha estrategica municipau entà crear oportunitats e potenciar era competitivitat deth nòste hilat empresariu.

Aguest burèu met ara disposicion de totes es enterpreses e autonòms que trabalhen en Naut Aran dues linhas de servici completaments gratuïtes. D'ua banda, totes es enterpreses e autonòms damb activitat economica en Naut Aran, an ara sua disposicion era oportunitat de digitalizar eth sòn negòci gratuïtaments (pagina web, creacion e gestion de hilats sociaus, posicionament SEO, creacion d'un burèu virtuuu, creacion d'un comèrç electronic, implantacion d'un CRM, tanben d'un ERP e d'auti) que permeterà potenciar era sua activitat, adaptar aguesta as naues exigéncies deth mercat, atau coma crear naues oportunitats de negòci.

Era dusau linha de servici, tanben gratuïta entàs enterpreses, ei poder formar as sòns treballadors en tecnologies emergentes e crear plans de formacion personalizada, ena matèria que sigue, entà milhorar era qualitat deth servici, era sua competitivitat e eth compde de resultats dera empresa. Tanben ei abilitada era formacion des treballadors des enterpreses, qu'ei bonificada.

Aguest Burèu, dejà ei en foncionament entà totes es enterpreses e autonòms damb activitat en Naut Aran. Pòden contactar a trauès des següenti canaus:

Telefon / Whatsapp: 633 123 018

Mail: clubempresainfo@gmail.com

Web/App: <https://clubempresa.softtr.app>

Ath delà, totes es enterpreses e autonòms que se beneficien des servicis que metem ara sua disposicion e se registren ena pagina web indicada naut, auràn era consideracion de Partner Referent deth Club d'Empresa e Negòci. Aguest Club nèish damb eth prètzhet de crear ua comunitat economica e empresariu fòrta, competitiva e globau dehòra d'Aran, e qu'age coma epicentre Naut Aran.

Coma membre deth Club d'Empresa e Negòci auràs ara tua disposicion era possibilitat de poder créisher professionau e empresariaument damb fòrça servicis de valor, completaments gratuïts, que vos ajudaràn a potenciar es dues linhas de servici que metem ara vòsta disposicion e d'aves que se crearàn ath long deth pròplèu an 2024.

Vos convidam a profitar aguesta oportunitat e hèr un pas tà deuant entà milhorar es vòsti negòcis.

César-Ruiz Canela Nieto

Baile